


永平府志





之反當之或以斗而繫之燕或以箕而繫之它國無
惑乎占事之說終古而不得其原也况永平一郡之
地而曰配某宿入某度其孰從而正之姑存舊史之
文以俟知星者擇焉其序于沿革之後者方域定而
後可以占天度也

淮南子尾十八箕十一四分一燕

漢書律歷志析木初尾十度立冬中箕七度小雪終於斗
十一度

地理志燕地尾箕分野東有漁陽右北平遼西遼東西有

上谷代郡鴈門南得涿郡之易容城范陽北新城故安涿

縣良鄉新昌及勃海之安次皆燕分也樂浪玄菟亦宜屬

焉 自危四度至斗六度謂之析木之次燕之分也

危當作尾

字形相近而誤

晉書天文志自尾十度至南斗十一度爲析木於辰在寅

燕之分野屬幽州

費直起尾九度蔡邕起尾四度

涼州入箕中十度 上

谷入尾一度 漁陽入尾三度 右北平入尾七度 西

河上郡北地遼西東入尾十度 涿郡入尾十六度 渤

海入箕一度 樂浪入箕三度 玄菟入箕六度 廣陽

入箕九度

郭造卿曰晉志李淳風所撰豈其謬妄至此卽在幽境論之自尾十度至南斗十一爲析木則

上谷入尾之一漁陽三右北平七當屬宋之豫矣南斗有十度屬燕九江入其一廬江入其六豫章入其十乎毋論涼州西河上郡北地謬也渤海入箕一樂浪二玄菟六遼西東當入其九矣廣陽在漁涿間豈可越居遼位而遼亦越樂浪玄菟而代之乎甚哉其謬也

皇甫謐帝王世紀自尾十度至斗十度百三十五分而終

曰析木之次於辰在寅謂之攝提格於律爲應鍾斗建在

寅今燕分野

唐書天文志尾箕析木之次也寅初起尾七度二千七百

五十秒二十一少中箕五度三百七十六秒六十七終斗

八度 自渤海九河之北得漢河間涿郡廣陽及上谷漁

陽右北平遼西遼東樂浪玄菟古北燕孤竹無終九夸之

國尾得雲漢之末派龜魚麗焉當九河之下流瀆于渤海

皆北紀之所窮也箕與南斗相近爲遼水之陽盡朝鮮三

韓之地在吳越東南 初貞觀中李淳風撰法象志因漢

書十二次度數始以唐之州縣配焉而僧一行以爲天下

山河之象存乎兩戒北戒自三危積石負終南地絡之陰

東北抵常山之右乃東循塞垣至濊貊朝鮮是謂北紀所

以限也南戒自岷山嶓冢負地絡之陽東南至于衡

陽乃東循嶺徼達東甌閩中是謂南紀所以限蠻夷也故
星傳謂北戎爲胡門南戎爲越門河源自北紀之首行而
東分爲北河江源自南紀之首行而東分爲南河自北河
下流南距岱山爲三齊夾石碣石爲北燕自南河下流北
距岱山爲鄒魯南涉江淮爲吳越皆負海之國偵殖之所
阜也自河源循塞垣北東及海爲
知矣

文志壬癸常山以北一曰壬燕趙癸北

晉書天文志勃碣海岱之間氣皆正黑

災祥

春秋紀日食星隕之異與水旱螽蟥之類比而書之
所以敬天渝重民事也後之儒者言天而必以人事
驗之其說荒矣然歷代之書有之而志不之載是謂
天變不足畏也茲故具述于篇春秋天子之事也故
內災書鸛鶴來巢是也外災亦書隕石于宋六鷁退
飛是也志則一方之事耳慕容氏之黑白二龍馮氏
之狼嗥鼠集魏氏之異風羊角在營州者不得而紀
焉夫勤民而畏天則存乎其人矣

漢文帝後七年秋九月有星孛于西方其本直尾箕末指
虛危長丈餘及天漢十六日不見

景帝中元年夏六月壬戌蓬星見西南甲子在尾北可長
六丈丁卯在箕北去近漢稍小如桃

三年秋九月戊戌晦日食幾盡在尾九度

武帝建元三年秋九月丙子晦日食在尾二度

成帝時熒惑角怒明大逆行守尾

見谷永傳 舊志作太白誤又云綏和間案此

谷永說王音之語音薨後八年始改元綏和今闕其年

哀帝時熒惑往來無常入天門上明堂貫尾亂宮

見李尋傳

光武帝建武六年秋九月丙寅晦日食在尾八度

明帝永平九年春正月戊申客星出牽牛長八尺歷建星

至房南

中歷尾宿滅

十三年冬十月甲辰晦日食在尾十七度

和帝永元十二年冬十一月癸酉夜有蒼白氣長三丈起

天園東北指軍市見積十日占曰兵起十日期歲明年冬

十一月遼東鮮卑二千餘騎寇右北平

天園畢宿非燕以史事應記之

元興元年秋七月己巳有流星起天市五丈所光色赤閏

月辛亥水金俱在氐流星起斗東北行至須女須女燕地

天市爲外軍水金會爲兵誅其年遼東貊人反鈔六縣發
上谷漁陽右北平遼西烏桓討之

安帝元初元年冬十月戊子朔日食在尾十度

順帝永和六年秋九月辛亥晦日食在尾十一度

靈帝中平五年夏六月丁卯客星如三升椀歷貫索西南

行入天市至尾而消

獻帝初平元年冬十一月庚戌鎮星熒惑太白合于尾

建安十三年冬十月癸未朔日食在尾十二度

魏明帝青龍三年冬十月壬申太白晝見在尾歷二百餘

日恒晝見占尾爲燕有兵

少帝正始元年冬十月乙酉彗星見西方在尾長二丈拂

牽牛犯太白

晉惠帝永興元年秋七月庚申太白犯角亢經房心歷尾

箕

光熙元年夏四月太白失行自翼入尾箕

愍帝建興三年秋八月己未甘露降新昌縣

新昌後入肥如

成帝咸和八年夏五月己巳白虎見新昌

燕烈祖元璽四年秋八月己未太白犯天江

五年冬十月癸巳朔日食在尾

光壽元年秋七月辛巳熒惑犯天江

三年秋七月乙酉熒惑犯天江

秦世祖建元九年夏四月彗出于尾長十餘丈經太微掃東井

燕世祖建興八年春二月有客星在尾中至九月乃滅

九年夏四月巳巳月掩歲星在尾

烈宗永康二年景星見于箕尾

昭文帝光始六年夏四月乙丑歲星犯天江

舊志誤書上年十二月巳

卯歲星犯天江又書惠懿帝正始二年正月庚子熒惑犯天江考之晉書皆天關非天江也

魏世祖大延五年春二月遼西上言木連理

太平真君八年秋七月平州大水

高宗太安五年春二月肥如大火焚官司廬舍畧盡惟東

西二寺不及

高祖承明元年夏四月甲戌月食尾

太和元年春三月戊辰月食尾下入濁氣不見

通鑑目錄云案戊辰

四月望

史誤

三年春三月戊辰平州地震有聲如雷野雉皆雊

六年秋八月平州大水 冬十一月辛亥朔月寅見于東方京師不見平州以聞

七年秋八月乙丑熒惑犯天江

九年夏六月癸亥熒惑犯天江南頭第二星

十二年冬十一月戊午太白歲星合于尾丙寅熒惑歲星合于尾

世宗永平四年秋八月平州獻白鹿

延昌三年夏四月癸巳月在尾從地下食出食十五分之

十四 其年填星守天江

見隋志

肅宗神龜二年夏四月甲戌大星起天市垣西東南流
尾燭地

齊後主武平四年冬十一月壬子太白掩填星在尾

唐高宗永徽六年秋七月乙亥歲星守尾

咸亨三年冬十一月戊子朔日食在尾十度

永隆元年冬十一月壬申朔日食在尾十六度

開耀元年冬十月丙寅朔日食在尾四度

武后神功元年春三月戊申清邊道總管王孝傑討契丹
孫萬榮初進軍平州白鼠晝入營頓伏及戰兵敗孝傑死

焉

久視元年秋八月壬子平州火燔千餘家

中宗神龍二年冬十二月丁酉熒惑犯天江

玄宗開元二十二年秋八月榆關蚘蚋蟲害稼入平州界
有群雀來食之一日而盡

二十六年榆關蚘蚋蟲害稼群雀來食之

天寶九載秋八月五星聚于尾箕熒惑先至先去

代宗大曆二年秋九月戊午夜白霧起尾西北瀾漫亘天
德宗貞元八年秋八月大雨平州平地水深丈五尺 冬

十一月壬子朔日食在尾六度

穆宗長慶元年春二月丁亥月犯歲星在尾

文宗開成三年冬十一月乙卯有彗星見于東方在尾箕

東西亘天十二月壬辰不見

僖宗光啓二年夏五月丙戌有星孛于箕尾歷北斗攝提

遼太宗天顯五年冬十二月丙辰熒惑犯天江

穆宗應曆元年冬十一月辰星歲星合于尾

保寧二年夏四月乙酉月食尾

聖宗統和元年秋平州旱蝗

七年秋八月丙寅熒惑犯天江

自此以下天文並采宋史錄之

九年夏四月丁亥熒惑犯天江

六月淫雨傷稼

秋九

月地震

二十年平州變秀兩岐

二十四年秋七月丁酉熒惑犯天江

二十五年夏六月己未彗出天市分爲三星至尾沒

二十七年秋九月戊辰太白犯天江

二十八年秋平州饑

二十九年春平州水 夏六月己巳歲星犯天江

開泰五年夏四月己丑太陰掩天江第二星 冬十一月

丁卯太陰犯天江

六年夏四月壬午月食尾

九年夏四月丙申太陰犯天江

太平元年秋七月庚子熒惑犯天江

四年夏六月丁卯太陰犯天江

興宗重熙三年秋八月甲申熒惑犯天江

舊志誤作金

七年夏四月壬申有星出天江如太白有尾跡西南速行

至房沒 秋七月癸卯熒惑犯天江

十六年夏六月戊辰有星出尾西南速行入濁

二十年秋八月辛丑熒惑犯天江

二十一年秋九月乙卯平州進白兔

二十二年秋閏七月壬午熒惑犯天江

道宗清寧二年春三月辛酉有星出庫樓没于尾

四年冬十一月丁未熒惑犯天江

六年秋九月乙巳太白犯天江

七年夏六月巳巳有星出天市垣車肆側西南行至尾没

秋七月辛卯太陰犯天江

十年夏四月庚辰月食尾 冬十一月庚午辰星犯太白

在尾十六度

咸雍二年春三月巳未彗出營室辛巳夕見西南別有白

氣一濶三尺許貫紫微極星并房宿益東行歷文昌北斗

貫尾

三年春閏三月辛巳夜有蒼黑雲起南方兩首至濁濶尺

貫尾箕斗牛庫樓騎官 夏四月壬戌太陰犯天江 冬

十一月丁酉太白犯天江

四年夏六月甲子星出尾北如杯口西緩行至平星没赤

黃有尾跡 秋八月丙寅熒惑犯天江南第二星

五年夏六月甲子有星出尾北如太白南急行入濁沒青

白 秋九月戊辰太白犯天江

六年夏五月癸巳熒惑退犯天江

今本宋史無此 據舊志存之

七年夏四月庚午太陰犯天江

八年春正月己丑熒惑犯天江東第一星 秋閏七月甲

寅太陰犯天江東第三星

九年春正月乙丑太陰犯天江西南第二星 秋九月甲

辰太陰犯天江南第二星

史云月掩太白又云太白犯天江南第二星

十年春正月丁未填星犯天江東北第一星 三月乙卯

太陰犯天江南第一星 夏六月辛未夜有蒼黑雲起天

河中長五丈南北兩首至濁貫尾箕

太康元年夏平州饑 五月壬戌有星出尾東如太白西

南速行至濁沒赤黃有尾跡

二年夏四月辛亥夜有蒼黑雲起南方長二丈貫庫樓騎

官積卒心尾 五月丁丑有星出尾北如太白東南急行

入濁沒赤黃有尾跡 壬午有星出天津北如太白西南

急行至天江沒赤黃有尾跡

三年夏六月癸未夜有蒼黑雲起南方長三丈濶尺貫龜
鼈天淵 秋七月庚戌有星出天市垣內宗人東如太白
南急流至尾沒赤黃有尾跡

五年夏四月戊申夜有白雲起南方長三丈貫庫樓積卒
龍尾 六月戊戌有星出尾東如杯南速行至濁沒青白

照地明 秋九月庚午太陰犯天江 冬十二月丙午彗
星犯尾

六年夏五月庚午有星出尾南如太白南速行至濁沒青
白有尾跡 辛未有星出中台北如太白東南緩行至天

江沒赤黃 冬十二月辛巳太陰犯天江

七年夏四月辛未月食既在尾 秋八月庚申太陰犯天

江西第三星 舊志誤作金 冬十一月巳酉太陰犯天江東北

第二星

八年秋九月癸未歲星犯天江北第一星

九年秋八月癸未熒惑犯天江南第二星

大安元年秋七月巳未熒惑犯天江

二年夏六月甲辰有星出天津西如太白西南急流至尾
北沒赤黃有尾跡明燭地

四年冬十二月甲辰熒惑犯天江

五年春三月丁亥太陰犯天江 夏五月癸巳有星出天

弁南如太白速行至尾北没赤黃有尾跡明燭地

六年春正月丁亥太陰犯天江

七年春三月丁丑太白犯天江

八年春二月癸未有星出心東如太白急流至尾南没青

白有尾跡明燭地 夏六月壬戌太陰犯天江 秋九月

甲申太陰犯天江

九年春三月乙未太陰犯天江 冬十二月丁卯歲星犯

天江

壽隆三年秋八月巳酉太白犯天江南第一星 冬十二

月癸卯太陰犯天江南第一星

四年春二月戊申有星出宗正東如太白急流至天江南

没赤黃有尾跡明燭地 夏五月庚申太陰犯天江 六

月辛丑有星出箕如太白急流至尾没赤黃有尾跡明燭

地 秋八月壬午太陰犯天江 冬十二月戊戌太陰犯

天江

五年春二月癸巳太陰犯天江西南第二星 三月庚申

太平府志 卷之二
太陰犯天江西南第一星 秋七月庚戌太陰犯天江西南第四星

天祚帝乾統元年春正月癸亥有星出西南如盂東北急流入尾距星沒青黑 無尾跡明燭地

二年夏五月丁卯有星出尾如杯西南慢流入濁沒青白有尾跡明燭地

三年夏五月戊子夜有蒼白氣起東南方長三丈貫尾箕斗

七年夏六月乙亥有星出尾西南如杯西南慢流入濁沒

青白有尾跡明燭地

十年夏四月甲申月食既在尾 秋八月甲戌太陰犯天

江 冬十一月庚寅太白犯天江

天慶元年冬十一月甲戌太白犯天江

三年秋九月庚辰熒惑犯天江

五年秋八月乙丑熒惑犯天江

七年秋七月乙未熒惑犯天江

八年冬十一月壬申太白犯天江

金太宗天會四年夏四月辛亥太陰犯天江

八年秋八月乙未熒惑犯天江

十年秋七月乙丑熒惑犯天江 九月庚申太白犯天江

熙宗天會十三年冬十二月乙卯熒惑犯天江

十五年冬十一月癸巳太白熒惑合于尾

皇統二年秋平州大熟

三年秋九月辛未熒惑太白合于尾

五年秋九月辛酉熒惑犯天江南第一星

六年夏四月丙寅月食尾

七年秋八月戊申熒惑順行犯天江

廢帝亮天德四年冬十二月乙丑歲星熒惑合于尾 癸

酉熒惑順行犯天江

貞元元年秋九月癸卯太白歲星合于尾

三年冬十一月壬申太白辰星合于尾

正隆元年秋九月乙丑太白順行犯天江

五年冬十一月甲午西南方有白氣自尾歷壁婁昴宿

十二月戊申夜有白氣出尾歷心房氏亢角入天市貫太

微至郎位止有類天漢

六年秋九月庚寅熒惑犯天江 冬十二月甲辰太白填

星合于尾 其年十月世宗大定元年

世宗大定二年秋八月辛未熒惑填星合于尾 平州饑

三年夏六月丁丑有星出尾青白色向東南慢流没

四年秋七月壬子熒惑犯天江 平州旱蝗

五年夏四月甲午月食尾 五月辛酉太陰掩天江 秋

九月戊申有星出王良慢流至尾宿没

六年春正月乙卯熒惑順行犯天江

七年冬十二月己亥熒惑犯天江

九年冬十一月辛巳熒惑辰星合于尾 戊子熒惑犯天

江 十二月癸巳太白熒惑合于尾

十二年秋九月戊子太白犯天江

十四年冬十一月甲申朔日食在尾

十五年秋閏九月甲寅太白熒惑合于尾

十七年秋九月己亥熒惑歲星合于尾 壬子熒惑歲星

太白合于尾

十九年秋八月己丑熒惑犯天江

二十八年冬十二月壬戌辰星歲星合于尾

二十九年夏六月乙未歲星留守天江

章宗明昌三年春二月辛丑填星留守天江 秋七月已

卯太白犯天江 九月乙亥熒惑填星合于尾 舊志添一金星誤

承安元年春三月癸卯熒惑退犯天江

泰和三年夏六月乙卯客星出東南尾宿間色青白大如

填星甲子守之

四年冬十月癸丑太陰犯天江

衛紹王大安元年夏六月己丑熒惑順行犯天江

宣宗興定元年夏五月壬申有星出尾宿距星西北慢流

向牛宿距星東南沒

二年秋八月壬戌有流星大如杯長丈餘其光燭地起

星沒尾中

哀宗正大元年夏六月己丑客星守犯尾

八年夏四月庚午月食尾

元太宗八年秋九月庚申太白歲星合于尾

十二年秋七月庚寅客星出尾

甲辰年 皇后乃馬真氏稱制 故史以于支紀年 夏四月丁丑有星出尾宿距

星下大如太白

世祖中統元年春正月庚辰歲星與熒惑行人尾

三年秋八月隕霜害稼

至元三年夏蝗

六年秋九月大雨灤河溢

八年夏四月壬寅昌黎縣民生子夜有光詔加鞠養

九年秋九月大雨灤河溢

十年饑

十二年夏四月乙丑熒惑犯天江

十六年夏蝗

二十四年秋九月庚子太白犯天江 饑

二十五年秋九月癸未朔熒惑犯天江

二十六年冬十月水壞田稼一千一百頃

二十七年秋七月辛酉熒惑犯天江

二十八年春三月饑 秋九月大水

二十九年秋大水

三十年冬十月水

三十一年秋水

成宗元貞元年秋灤州水 冬十二月甲子太陰犯天江

二年夏灤州旱 秋八月癸卯太陰犯天江 冬十一月

壬辰太陰犯天江舊志誤作金又誤作壬戌

大德元年夏蟲食桑 秋八月隕霜害稼

二年夏旱 六月水史文兩書或先旱而後水也

三年夏四月霖雨灤河溢 秋八月乙巳雨雹

四年夏五月雨雹

五年秋八月霖雨灤河溢入城漂沒官民廬舍殆盡溺死人畜甚衆

七年春饑 夏六月水 秋八月辛亥熒惑犯天江 冬

十二月丁未太陰犯天江

九年秋八月乙未熒惑犯天江舊志誤作月

十一年冬十一月盧龍灤河遷安昌黎撫寧等縣水

武宗至大二年秋八月丁丑隕霜殺禾

四年夏六月永平豐盈屯雨水害稼

仁宗延祐元年冬十二月甲辰太陰犯天江

二年夏五月辛酉太陰犯天江

六年夏六月水

七年秋八月乙丑熒惑犯天江

英宗至治元年夏六月大雨雹深一尺害稼 秋七月石

城縣大水

二年春二月己未太陰犯天江南第一星 秋七月己亥

熒惑犯天江南第一星 冬十一月庚申太陰犯天江上

第二星

泰定帝泰定元年夏雨水溢

二年冬十二月乙酉熒惑犯天江

三年春三月饑 秋七月大風雨雹折木傷稼 八月蝗

冬十一月饑

四年冬十一月乙亥熒惑犯天江 饑

致和元年夏四月石城縣蝗 六月水 雨雹

文宗天曆二年夏六月永平昌國諸屯水 秋七月蝗

雨雹

順帝元統元年春二月丙辰太陰犯天江下星 秋九月

乙未太陰犯天江下星

二年春二月灤河漆河溢

至元三年夏五月丁卯彗星見自昴至房凡歷二十五宿

至秋八月庚午滅 中歷 尾宿

五年春正月乙亥熒惑犯天江上星 舊志誤 作木

六年冬十一月戊寅辰星犯天江北第一星舊志誤作月
 至正元年春正月甲寅熒惑犯天江上星 冬十一月庚
 子太陰犯天江北第二星

二年冬十一月辛卯歲星熒惑太白合于尾

三年秋八月灤河溢

四年秋七月灤河溢出平地丈餘漂沒田廬甚衆

五年春饑

十年秋九月壬戌熒惑犯天江南第二星

十一年春三月戊辰太陰犯天江西第一星 秋八月乙

酉太陰犯天江南第二星 冬十二月庚子辰星犯天江

西第二星

十七年冬十二月庚午朔熒惑犯天江北第一星

十九年夏五月丙午太陰犯天江南第一星 秋九月甲

寅太白犯天江南第一星

二十年秋八月辛卯太陰犯天江北第二星

二十一年春二月壬寅太陰犯天江北第一星

二十五年冬十月辛卯熒惑犯天江東第二星

二十六年秋九月庚子孛星見于紫微垣北斗權星之側

色如粉絮約斗大往東南行過犯天棊星辛丑孛星測在
尾十八度五十分乙巳至虛宿壘壁陣西方而滅 冬十
月大水 十一月丙申太白歲星辰星合于尾
二十七年秋九月丁丑熒惑犯天江南第二星
明洪武二年夏灤州大水

四年秋旱

七年夏樂亭昌黎蝗

九年秋旱

十年夏六月丙寅灤漆二水溢壞城垣 秋九月丙辰大

火

正統五年夏蝗

十二年秋蝗

景泰元年大水入城與東南城幾平

三年遷安大水

六年劉家營大水

天順元年冬妖星在天風

成化元年水

三年雷震死劉家營官馬八匹

卷之三
十七年夏遷安等縣大水 饑

弘治元年夏六月灤州城西金泉池產並蒂蓮一本泉左
流半畝地內並蒂者數本

二年夏灤州大水

四年夏四月辛酉月食尾 五月蝗

十四年夏大水 饑

十七年秋七月大水

正德五年春二月遷安風霾晝晦

六年春遷安旱 秋七月癸亥開平衛觀音閣諸獸口現

五色光自卯至巳散

七年黑肯出 遷安大旱饑

八年夏四月蝗 開平城觀音閣西牆上龍起寺中大獸

帶落於老龍坡 大饑

十二年夏灤州昌黎大水

十三年夏灤州水 六月劉家口關暴雨城壞樓傾餓葉

門流至樂亭

十四年夏六月灤州蝗 秋大水

十五年夏六月丁巳雹

十六年春二月辰星留守尾 夏旱

嘉靖元年秋七月螟 大旱 地震

二年夏五月灤州野蠶成繭 六月蝗 秋七月灤州昌

黎地震有聲

五年秋七月灤州昌黎地震有聲

六年春三月樂亭境內起黑風火飛如斗焚及木杪禽鳥
多死流炎海面竟宿乃止

七年春二月灤州昌黎地震 夏四月大風晝晦 大饑

八年夏五月蝗

十年夏四月大風

十二年春旱蝗 夏六月雹

十四年春三月辛酉遷安雹大如卵 夏霖雨灤河溢

十五年夏四月昌黎大水 灤州蝗

十六年夏灤州蝗 六月丙辰遷安大風雷雨擊縣新堂

脊玲瓏花草如刻畫狀有龍戲其上 秋昌黎饑

十七年夏四月灤州昌黎蝗

十八年遷安饑

十九年夏灤州旱

二十年春灤州旱 秋七月辛丑灤州昌黎大風霖雨
癸卯震電雨雹 甲辰灤河溢

二十二年夏六月雹

二十三年灤河溢

二十五年夏六月灤州大水壞開平中屯衛北城七十丈

昌黎縣城西南二里並頭蓮生 秋七月灤州昌黎大

風 昌黎麥二岐穀雙穗

二十六年夏灤州水

二十七年秋七月大雨有龍鬪于石門子溝 八月昌黎

地震

二十八年春三月丁酉大風晝晦

三十年秋七月大水 遷安地震有聲如雷

三十二年秋七月大水

三十三年春三月大風晝晦 地震

三十四年春正月戊申大雷雨二月己巳大雪 夏燕河

教場旗桿自折 饑

三十五年春三月戊辰大風晝晦 旱

三十六年春二月燕河營地震有聲 三月府城地震

秋八月灤州蝗

三十七年秋七月蝗 水 饑

三十八年夏六月霖雨灤河漆河溢城內行舟 秋八月蝗

三十九年春饑 秋蝗 地震

四十年春饑 夏蝗

四十一年夏五月灤州地震有聲如雷州南孫家坨地裂湧黑水 秋昌黎生雄鷄四足 遷安大有年

四十二年春三月昌黎聞天鼓鳴 夏四月甲子三屯營

地震日數次至秋九月 昌黎旱 秋八月大水 冬十月朔太白經天

四十三年秋昌黎螟

四十四年春昌黎大疫

四十五年夏六月府廨後產芝五本五色獻之朝

隆慶元年春三月癸未地震 秋九月撫寧毛家營大柳樹鳴三日甚悲不一二日土蠻自界嶺入殺撫寧昌黎二縣人民十餘萬

二年春三月戊子地震有聲經旬乃止樂亭劉怵莊地裂

三丈餘湧沙水

郭志作三年三月
壬子今從灤州志

遷安縣灤河濱岸裂

得龍蛻長二十五丈餘大二十餘圍

三年夏五月昌黎雹

四年夏六月燕河營城北真武廟鐘鳴自落地者三

五年春夏大疫

六年秋七月地震

山海關外帶家河有海牛死浮沙岸

高數丈長十餘丈

陽河溢有大樹數百成筏由義院口

入過湯河至劉家寨入海

萬曆元年秋關城北火神廟自焚

雨雹大如拳

二年春二月建昌馬營千總周尚春率兵過臥龍崗雷火

燃其兵馬器械

秋七月壬辰暮三屯暴風起教場西南

飄戰車空中碎之如紙葉

昌黎大有年

三年秋昌黎大有年

九月甲辰三屯營地震有聲如雷

四年春正月辛酉太平寨灤河斷流數里二時而續壬戌

營東城河乾百步癸亥西河亦乾並踰時

二月庚辰辛

巳太平路地連震

五年秋雹

樂亭大水

六年春饑

秋大有年

七年夏五月乙巳朔雹大如拳 六月辛丑三屯營地震
有聲如雷

八年春夏疫 五月地連震自壬午至戊子 六月辛丑
三屯地震有聲如雷

九年春二月乙卯三屯地震 夏甘露降理刑公署

十年春遷安風霾 旱 疫

十一年夏四月大水 六月蝗

十二年春正月雷雨灤河溢

十三年夏六月戊辰雹

十四年春饑 夏四月癸酉三屯地震 旱 疫 秋七

月大水冷口關漲沒城數丈關北水中有影似形非形初

長二丈餘大如瓦甓後短小如桿棒而無首尾擊之分而

復合晶白蜿蜒雨霽水落而消

十五年秋七月庚子霖雨灤河溢城不浸者三版 冬饑

十六年夏閏六月丁未大風損稼 水

十七年春饑 夏黍穗兩岐 府北郊韓知縣應奎莊 秋大有年

十八年秋大有年

二十年秋七月大風雨害稼

二十一年春饑

二十三年夏五月山海關地震有聲

二十五年春正月不雨至于夏四月 秋七月大水 冬

饑

二十六年春不雨 秋螟 冬大饑

二十七年春夏疫 地震有聲

三十二年夏淫雨四十餘日六月癸卯灤河溢丁未復溢

三十三年春大饑 夏六月大雨灤河溢 冬饑

三十六年冬十月戊辰大雷雨

三十七年春三月丁未大風晝晦

四十三年春正月不雨至于秋七月

四十四年春饑 秋七月蝗

四十六年夏閏四月甲申大風霾 冬蚩尤旗見東方

天啓二年秋灤河溢

三年秋八月大雨雹寒有凍死者

四年春二月地震 樂亭地裂湧黑水

崇禎二年冬十二月甲子灤州地震有聲

八年冬十二月辛卯白虹貫日

九年春三月丙午朔白虹貫日 夏旱 秋蝗

十年春大饑 疫

十三年春旱 夏蝗

十五年夏五月大風雨雹城頽四十餘丈盧龍學宮盡圮
大樹皆拔惟先師神位不動

十七年夏撫寧棲霞寺龍潭水變成血數日李賊至

大清順治九年秋九月大雪 府城民家生鷄四足

十年夏四月淫雨四十餘日 灤州昌黎樂亭大饑 冬

大雪凍死人畜甚衆

十三年丙申夏四月灤河溢 冬大雪五十餘日行人有

陷雪死者

十五年戊戌秋九月雷震清涼山削山如溝者數處水立

丈餘擊死大墓如斗無皮 灤州蘭圪庄大雨雹

九月大雪

康熙元年壬寅春正月丁亥日生雙珥上有反暈

二年癸卯夏六月望日雷火焚郡東南角樓

三年甲辰夏閏六月灤河溢飄集柴木無算時脩清節祠
適供其用有如夙構亦屬神異 冬十二月庚戌夜有星

入月

四年乙巳夏六月甲子未刻東南五色雲現

五年丙午夏六月辛未夜天星亂流如織

六年丁未正月戊寅大星如月墜西方有聲 夏郡鐘樓

炎

九年庚戌春三月乙丑白氣現自西方 是年有秋

十年辛亥春二月辛卯申刻大星如斗小星隨之縷縷如

燈自兌趨巽飛流有聲 秋七月朔炎熱如熾 冬十一

月嚴寒異常 有年

十一年壬子春三月丙戌樂亭大風晝晦是夕月上有二
星

十二年癸丑夏五月辛卯申刻颶風自兌趨巽碣石黃嶺
一帶雹有大如斗者

十四年乙卯樂亭四郊麥生三岐

十六年丁巳秋七月甲午申刻青氣如霓自震趨兌 冬

十月本府太守常公文魁移脩蜡廟告竣開光有蝗雲集
朝廟信宿仍去

康熙十七年戊午夏六月乙亥炎熱異常自京師自關內

外熱傷人畜甚衆 秋九月癸卯辰刻三環套日復生三
珥

十八年己未秋七月二十八日巳刻地動自坤旋坎趨巽
其色似霧其聲如轟通州平谷一帶官民房舍多有傾塌
者永平無之

永平府志卷之四

萊陽宋琬撰次

宣興路 遼參校

疆域

廣寧常文魁續補

自漢時郡爲右北平遼西統縣三十而幅員之廣及
于盧龍斗陘之外今則併二爲一而猶不足當漢之
一郡焉是以左輔之地恒苦單瘠而其人民財用比
于畿南諸郡不能半之北垣何蹙孤壘城粒此孫樵
之所以致嘆于中唐也茲據版章詳其里至蓋不待
親履其疆而已知是邦之陘于古矣

永平府 東西廣三百里 南北袤二百五十里 東至

山海關外遼東界一百八十里 西至鐵城坎薊州豐潤

縣界一百三十里 南至樂亭縣綠溝海一百八十里

北至盧龍縣桃林口六十里 東南至昌黎縣赤洋海一

百里 東北至撫寧縣石門寨關一百六十里 西南至

豐潤縣越支場二百里 西北至遷安縣喜峰口關二百

三十里 東至遼東廣寧鎮七百五十里 西至薊州三

百一十里至 京師五百五十里

盧龍縣附郭 東西廣七十里 南北袤八十里 東至

雙望堡撫寧縣界三十五里至縣七十里 西至安河堡

遷安縣界三十里至豐潤縣一百六十里 南至劉各莊

灤州界三十里至州四十里 北至劉家營遷安縣界五

十里 東南至黑石里莊昌黎縣界二十里至縣七十里

東北至燕河營撫寧縣界五十里 西南至康家莊灤

州界二十五里 西北至分水嶺遷安縣界二十里至建

昌營七十里

遷安縣在府西北四十五里 東西廣二百里 南北袤

七十五里 東至孤莊盧龍縣界三十里至劉家營五十

五里 西至呂家莊豐潤縣界一百里至遵化縣一百八
十里 南至赤峰舖盧龍縣界四十里至灤州七十里

北至白羊關三十五里至建昌營四十里 東南至分水
嶺盧龍縣界二十五里至縣四十五里 東北至劉家口

五十里 西南至甸子舖灤州界六十里至豐潤縣一百
四十里 西北至喜峰口一百八十里

撫寧縣在府城東八十里 東西廣九十五里 南北袤
九十里 東至山海關九十七里至廣寧中前所一百三

十二里 西至雙望堡盧龍界三十五里至縣八十里
南至張各莊昌黎縣界二十五里至縣四十里 北至

嶺口關七十里 東南至戴家河大海四十里至秦皇島
七十里 東北至黃土嶺關一百二十里 西南至兩家

店昌黎縣界五十里 西北至燕河營盧龍縣界五十里
至遷安縣一百二十里

昌黎縣在府城東南八十里 東西廣九十里 南北袤
一百二十里 東至裴家堡撫寧縣界三十里至大海七

十里 西至灤河岸灤州界七十里 南至沙也莊樂亭
縣界六十里至大海八十里 北至山西社撫寧縣界三

十里至縣四十里 東南至七里海七十五里 東北至
張家莊撫寧縣界二十里至山海衛一百二十里 西南
至會里莊樂亭縣界六十里至縣九十里 西北至黑石
莊盧龍縣界五十里至縣七十里

灤州在府城南四十里 東西廣一百二十四里 南北
袤一百七十里 東至北釋院昌黎縣界四十里至縣七
十里 西至板橋舖豐潤縣界一百里至縣一百四十里
南至馬頭營海一百一十里 北至楊家莊盧龍縣界
十五里至遷安縣七十里 東南至定流河樂亭縣界六

十里至祥雲島一百六十里 東北至郭家莊盧龍縣界
十里至縣四十里 西南至越支場豐潤縣界一百五十
里 西北至党峪里豐潤縣界一百三十里

樂亭縣在州東南九十里 東西廣五十五里 南北袤
七十五里 東至黃瓜堡昌黎縣界三十五里 西至莊
坨莊灤州界四十里 南至海六十里 北至胡蘆河昌
黎縣界三十里至盧龍縣一百二十里 東南至沙崖莊

昌黎縣界四十里至湯家河集三十五里 東北至博落
莊昌黎縣界三十里至縣九十里 西南至李各莊灤州

永平府志 卷之四
界四十里 西北至茨榆莊灤州界四十三里至灤州七
十里

山川

禹貢言太行恒山至于碣石而漢志言薊南通齊趙
勃碣之間一都會也今永平之域正當碣石入海之
處後背群山前阻大海可謂冀北之神臯燕東之天
府矣舊志謂自塞北界以都山東南入海爲凌河西
南入海爲灤河凌朝于遼東灤朝于遼西而郡介其
中左洋右漆判于其前宸龍庭而酌溟渤故昔人以
爲四塞之區形勝之地今之邑里雖多殘敝而山川
如故也是以仍其文而潤色之以補水經之未脩若

夫山不在高水不在深或有人以興或無人以廢考
慕容石氏攻守之遺跡訪遼金之舊事覽徐中山戚
少保之所經營亦可以愀然矣

平山在城中以其與南臺山平故名或曰平州之名取此

非也案平州始因遼東之襄平名後乃移之于此自東北迤南為府衛堂治府

治內有黑水井有長石端刻牛首形鎮之為其恠久掩之

或曰燕謂水曰龍黑曰盧縣名取此非也盧龍古塞名自隋移此以名縣

治南又有井在燕樓前將雨則氣出歲旱以此占之頗驗

舊志稱燕樓飛雨是也今堙南臺山在城南三里左為

首陽山右為孤竹山南臺中峙形如印亦名印山上有開

元寺為郡人游賞之所有井下通灤江右為龍王坡以祠

名灤水先經其下今改而西矣又南山腰有白石曰虎頭

俗以為漢李將軍射虎處其下灤漆交焉臺北為鳳頭山

社以迤東為試劍石南為烟墩嶺又二里為神堂峪又三

里為鷹窩峪有古洞自峪而青沙嶺折西山半有井為井

里峪其屢屢峒為孤孤嶺嶺南為范家峪為大王山有虎

洞深丈餘東為大小嶺為昌黎界有河產金曰海金河今

沙金沿而西南為筆架山以形名西為常福山又西為澗

六

山

井泉

古亦

地

古跡

山

嶺

峪洞嶺

塔嶺嶺塔山

嶺

山

山洞

牛山

嶺入言即亦可 峪

山山山

谷言即嶺地

山嶺坡

嶺七峪坨

山

溝峯溝

山嶺山

山

山

山

山山頭

山林嶺

河山

名山嶺

卷之四

子山有三跳澗二山之陰。金流入灤。自孤孤嶺之北。曰孤峰。在縣東五里。又東三里。為東嶺烟墩山。又十里。為部落嶺。唐時居黑水部于此。為大牛山。為黑崖峪。東南四里。為近陽山。為芝麻山。又三里。為陽山。首山之陽也。山中有大空寺。多豁谷。古陽樂縣在焉。有獅子嶺。迤東。為黑石坻。茄子山。與昌黎界。城東北里許。為千松嶺。為馬蘭坡。為桃花峪。嶺東抵分山。為青石峪。為韓莊坨。又東。為雙望堡。孤峰之一舍也。迤北十里。為紅山。則撫寧界矣。陽山之陰。河源出焉。入沮達漆。為白溝。由孤峰。東北渡。五里。為銅

鑛山。俗之掘之得銅鼓。城北二十里。曰牛尾嶺。上為阿羅卜山。前

十里有烟墩。東北為石虎山。其狀恠。西為四家莊。不產蠟。有取至者輒死。或曰石鎮之也。故又曰蝎虎山。又十里。為北安山。形如鞍。下有河焉。起白雲。日出方散。故寺曰白雲。有堡口松崖。又北隴端。為鷹嘴山。西北為茶葉山。箭桿頭。架砲山。又西三里。屢屢。北接黑鐵林。又都嶺。有岨臨青龍。河人首山。硯礪萬片。遠視之若亂。近視之縱橫有章。如人累而成。理柔可鑿。先脩郡城。取之。後脩桃林關橋。取石二歲。而罄如崩矣。其北為龍王巖。多林山。正北為亭子嶺。狼

永平府志

卷之四

二

望山又北十里為三角山。迤西為夢山。一名墓山。云高麗王所葬。下為

井里空。後為黑崖子。有河焉流入漆。有石花嶺。曬甲峪。又

東為杏兒山。梯子山。盤龍山。折而東為神樹嶺。為兵馬峪。

北極塞為桃林山。舊志云。昔人于此種桃百株成林。故名。非也。蓋境外山勢參差重疊。有峯偏產

箭桿桃林。故以名關。關西境外半里。為瞭望山。嶢嶢率窳。下有洞。深

二十丈。廣五六丈。高殺于廣。四壁五采如繪。前有水。頗艱

涉。刻曰。普陀真境。關西里許。有甄山。顛有孔。周七丈餘。深

可四十丈。直洞懸峽下。視青龍河如鏡。以其象名之。關下

城東百步許。高三里餘。嵌巖青龍旁。日照之。其色黃。映水

如金。產黃蘗及金瘡草。迤東斥埃相次。踰河為梧桐峪。其

南十里。為燕河營。營東二里。蟠而為臥龍山。西五里許。山

畔遠望如仙人形。旁有盤石梳印跡。城北八里有石門。兩

山如壁。有龍潭。萬曆初。戍卒修邊樓。陶甃赤。祈青。許為立

甃乃立祠其顛。南為羈徭嶺。羈旅至此徭踰青龍而西。為

峰山。正水谷。南為鹿尾山。高峰四圍懸絕。谷城西有試劍

石二道。東有鴿子崖泉。及孤窰寒泉。西入于青龍。有魚井。

在劉家營北一里。滿而不溢。魚常出沒。有風洞。在佛兒峪。

境外十三山。每秋輒晝夜。狂號損稼。成化三年。內官守備。賽之而息。正德三年。

溝

河

坡河地

山坨山坨

山

古跡河山

坨嶺山

山

石梯子

渡古迹山

峪坡山

古迹

山

山

島臺

山潭山

山

山崖山水

立今祀之名風王廟是外草地矣。谷溝前有泉三湧出如

瀑布併流為煖泉河至徐流營西南入青龍為水田。自

南臺之龍王坡西渡漆里許為南丘凉水河自八里坨下

過之坨西北為羅家山景峰坨白虹山前為棗坨又北為

雙子山南崖下其石孤竹長君墓在焉一名長君山又北

為料馬臺以昔征遼兵過有飲馬河其西為石砭山鐵石

坨又北為分水嶺水之從西北來者其左由搗角山盤頭

山入于漆右由塔盤山馬鞭山入于灤馬鞭山一名少君

山孤竹少君墓在焉。渡漆西十里曰石梯子是為灤河

渡中流有龍王島上祠龍王今廢西為行虎山創錢山於

狗峪沙井坡又北為洞山古孤竹山也距城西十五里其

椒產金沙半產銀卍底產鐵冶其嶧有洞麓有青蓮寺孤

竹國城在其陰而灤匯之或曰卽古卑耳溪其陽曰俞兒

山傳稱齊桓公伐山戎過卑耳之溪見南為周玉山距縣

二十里灤水繞之為雪峰島前對釣魚臺為邑人韓御五

里為灰山下有龍潭上有廟又五里為佛洞山一名窟窟

山為昌黎灤州界洞山西北有白蓮寺始曰尼又西曰

赤峰山社以前為鷄鷹崖西南為四窠山一名有寺聖水

永平府志 卷之四

山河崖

山山山澤

深

水

山河河

河此河在七百里外想不是永平河

嶺河池

河

水嶺井

水山

嶺嶺

石崖

山井

山

河石

源焉有烽火山。一名安河之源也。又為石崖兒連峰數十

里。北向為瓦礫山。雄峙之。有門樓山。有裂坡山。下有龍潭。

早歲禱雨有應。有獨子山。距縣二十五里。會聖安之流。及清涼山

泉為橫河。入于灤。

水入境灤最大。古作濡。濡乃官反。詳水經註。發源于雲州北二舍炭山。

甯沸瀆湧。四舍至宣府東北。又四舍至雲州堡。又十舍至

桓州道口北。而南入上都開平界。土人謂之商都水。即上都

蓋土音訛耳。東流七百里為九流河。其西北道也。自東口外都

山以西。有青龍河。又西有寬河。即豹河。產金沙。流百里入灤。

其鐵門關外分水嶺。東者入長河。西者匯大池。入關出喜

峰口而會之。過潘家口。入團亭。下與澈合。澈河之源。正

一。旁二。一曰黑水。自龍井口外七十里。喬家嶺。河多石。溢

涸有常。發于半嶺。由三台關南入。一曰橫水。南自洪山舊

關嶺西。從三道嶺。雨溢則深二丈。廣倍之。晴則廣不過丈。

深尺。合關北出口外孤石。西入澈。其正源自黃崖陰。過大

安山後。黃門子。二百餘里。會橫水。而入龍井關。合黑水。過

漢兒莊。繞釣臺北。至桃源莊。入灤。壽星山。陰陽諸水。亦入

之。其流洶湧。名為強河。東麋石有鐵椿。水經註。逆流水亂。東北注濡。又東南

逕盧龍塞是矣。此亦郡境之上遊也。其次曰恒河。源出三屯城

西北。景山之陰。王四家峪。流達城北而東。三里會山麓諸

流。廣二丈。深數尺。至遷安中峰西。與灤合。過唐山。合長河。

長河自口外聶門龍鬚三岔。入董家口。會遊鄉而東。下及

青山關營。合駐操營南。太平寨西。二十里而下稔子口。此

經註之黃。又口外水湖洞大嶺寨西。二里。溫泉山會入關

者為清河。水經註及口外乾河川。入城子關。名蛤螺河。夾

過太平寨前長嶺峰。合長河東出龜口。至官寨。下入灤。水

註東得潤水。又會敖。此亦郡境之源也。其次漆水。源從

境外十八盤北。旱落兀素。百五十里。阿老各泉。至蔡家谷

合下二百三十里。為三岔口。洋河源。自此隔矣。又二十里

土人呼為填河。入桃林關鹿尾山。諸流會之。南衍至峰山

西。至于燕河。謂涼河者。乃青龍也。水經註云。玄水逕肥如

縣故城南。而西南右會盧水者。沮水也。水經註沮有二。沮

水源從境外都山。東南龍王廟豹崖之三岔。而清河源自

此隔矣。又二十里合寺兒崖三溫泉。十里入冷口關。冬煖

夏涼。謂之冷池。劉家關西之煖河。過徐流營北溫泉。長流

可稻。白羊河。從境外入關。下泉湧不竭。南繞及石門白道

河

山峪

峯山

河

山

洞嶺山泉

河川河

峯

水

泉谷 恐非本府地

河

河山

河河水

水水

山嶺嶺崖河

屋泉

池河泉

河

諸流。至建昌營南而乾。若溢則並通青龍。是小沮也。又六

里為峰山。青龍過而下。至孤竹故城之陰。中流有石為砥

柱焉。其大沮。自古陽樂縣東北陽山。出泉曰白溝。過大石

如槽。俗謂之驢槽。其西南為陽口。城北十二里。溫泉為

肥如水。曰溫溪。今淤。水經註。西入玄。玄又逕孤竹城北。西入濡。肥如縣南十二里。為水之會也。

初由上水關。入城中行。繞出下水關。注漆。數經水患。乃塞

上關堰水。由北城外西行。南流入漆。盧龍境內諸水有

名四絕者。一石龜峪泉。西流至蓮花池而絕。一五里塔泉。

自狼家谷。西流至道東而絕。一白望泉。自雙子山。流至白

砂崖。青石頭而絕。一社臺西峪泉。自部落館陽島谷。合出。

與肥如水。至壇西而絕。惟漆為經流。近城西南行三十里。

有石磯。為釣臺。澈及長清二河合。過遷安縣西。黃亭山之

箕石東。會要孤分水四十五里入灤。在州東五里。其北七

里。曰橫河源。出盧龍縣。獨子山。及合安河東西山流。南入

橫山營後。北沙岸下。東至泡皮淀。經榆山後。劉家莊。至偏

涼汀而合。州西一里。為玉帶河。其源自棗豆灣。轉尹家墳。

至府君廟。沿沙堤十里。至巖山之岬。折過巖山而下。玉帶

西二里。為金魚泉。在演武亭東北。南流入蓮花池。達別故

山 泉 水溪 漆

河別故河。在金魚泉西。源自州西北二里。廟兒山。東經栢樹莊。高家莊。演武亭西堰。合玉帶。及州南五里河。五里河源自劉官營而東。並經巖山石橋入灤。委蛇而南。如龍翔五十里。達岳婆港。樂亭界東。岐爲二。左曰胡盧河。右曰定流河。夾縣而南。六十里。至馬頭營。又二十里。爲綠洋溝。入海。見樂亭。

遷安 黃臺山。在縣西南三里。其狀其色如之。灤經其下。春可枉。其背側有箕石。名之曰聚米。水漲不沒。驗歲豐凶。要孤山。在縣東北三里。獨峙。下爲三里河。源自城北小

寨平原。而經其麓。新寨莊南。而西至盧溝。湫合灤。盛夏愈

冷。嚴冬不冰。有石橋。東北抵建昌諸邊。南達十里橋。通廩。

又南爲次君山。一名團子山。距縣十八里。遠望團如釜。而秀孤

竹次君墓焉。二十里爲分水嶺。又十里爲盧龍界。左漆而

右灤。蓋左環分水。右據尖山。灤經西南。團峙其東南。迤北

之山川。四固。邑爲攸聚矣。自黃臺南十餘里。入瓜村社。

爲龍泉山。其半有泉清冽。曰聖泉。以禱雨有應。寺以名。亦有

蟒洞遺跡。其南爲嵐山。其椒有洞。雖晴如蒸。南爲秦王頂。

爲羊角雙山。沙河經之。澗有石磯。曰釣臺。至野鷄坨。與盧

松汀山

龍馬鞭山界。乃灤之陰。沙之陽也。自黃臺渡灤而西。爲五里山。高十餘丈。有石。高廣三丈。就石爲壁。鑿佛。十里爲佛兒峪。山西爲栖峯。北爲芝蔴嶺。有寺。西南二十五里爲松汀山。高六十餘丈。巉巖壁立。沙河中。深廣難度。腰有三洞。土人結筏縛梯而上。避兵。每洞可容二百人。涉河而西。自安口而麥蕎。又西。爲香山。其南爲沙河驛路。香山而西。爲岳野山。秀偉。有勝水寺。古井一。新井二。前有龍虎二峯。後有蟲蛇諸峪。西過七家嶺。狽狗峪。連峯二十里。爲福山。距縣六十餘里。爲灤州界。自黃臺渡灤。至橫山西。沙石

合流之陽。距縣三十五里。爲貫頭山。連屬如珠。巉巖蒼翠。常蒙雲霧。其腰多竇。黑鷹巢之。有靈泉寺。香爐崖。又西。爲平頂山。上有地一頃餘。可容萬人。南爲四角山。佛院山。牛心山。孤山。又西。爲挾車石鼓諸嶺。其西嶺亘十里。巍然名黃山。在縣西五十里。昔人于此避兵。灰窰峪。舊關寨遺址也。其石黃而理密。灰白如粉。采色炫目。一爲糕乾峪。其色片如之。前爲從照峪。左爲長峯。蓮池山。有正覺院。泉冽。冬溫夏涼。出而西行。經崖兒口。爲還鄉河源。黃山之右。爲三茅山。迤西。爲雙頂山。有無梁殿。下爲鳴盆澗。盆乃石凹。上

泉滴之如磬。隔馬蹄諸峪。迤西爲鷄冠巖。龍堂鷹嘴諸峪。及大小嶺。還鄉河經其北焉。黃山之南。自三岔山。鴿子口。馴驢嶺。至甘家峪。爲城山。距縣西南五十里。介群山中。有古刹。層巒聳翠。鬱然周林。多花果。山西爲羅家嶺。大嶺。一名館山。有寺。其泉爲龐牛河源。自黃臺渡灤。西北三十里。貫頭之陰。平南社爲妙峯。北窪。有唐大雲寺。有松生于石井。有山高十丈。周三里。俗呼羊欄山。其前爲橫山。右爲尖山。在縣西北五十里。群峯攢立。頂有石寨。環以二泉。其下寺曰龍崖。又曰赤崖。泉突出而南。爲沙河。前爲血石嶺。

石色如之。有泉清冽可掬。冬草青花白。雖嚴粟不稿。爲石河之源。二河會流不入灤。要孤西北二十里。爲于家坎。左爲降龍山。一名堡子。中峯拔豎。左右如伏。迤北爲長山。塔子山。臨邊。迤南爲蟒山。昔人于東穴射之。其產鐵冶。西南三里許。有山高十丈。周三里。上有廢堡。爲蘭若院山。今人呼爲羊欄山。又南爲牛山。在要孤東。半含有石狀之。南爲野狐峪。有水東入漆。北踰橫嶺十里。爲曬甲山。或云漢李廣曬甲于此。或云唐王無徵焉。迤東爲青山。巖北爲河架山。其北白羊口河。流入漆。涉東爲瞭蟒山。有紅白二坡。

萬軍山

蓮塔山

紅在冷口關城西南。灰窰坡下。白在口外三里。巧人取之。坡間有溫泉。寺有池三。建昌內官。繕以石柱木欄。居人常浴之。嘉靖末。以邊驚。戒民出境。荒廢。其在冷口河東岸者。冬煖夏涼。又東。為鷄林山。在徐流口關。無竭。其管西為烽口山之流。達薄過莊。入青龍河。戚總理開水田處也。過此。為萬軍山。在縣東三十里。頂有土城三百餘步。下有三跳澗。又為帳房山。或曰。安喜廢城。遼所置者。自遼置。金因之。史未嘗紀其遷。但以遼志云。在平州東北六十里。今縣去府四十里。遂以舊城在此耳。其麓有玩清寺。桃林冷口流合焉。此白羊之南也。涉北為蓮塔山。在縣北三十

五里。為擦崖子關。有琵琶洞。為狐穴。西南半舍為金山。上

有寺。

以金山名。

下臨灤。晚霞映之如浮丹。其東鑿山為路。以通

為蛇山。其北為瞭高山。南東十里為三嶺。嶺北為五重安。其

東北為蛤螺河。下入于灤。自金山涉南。為藏龍山。距縣

五十里。在尖山北。其後為偏崖。渡灤經之。土人呼採樹嶺。

迤北為龜口山。在羅家屯南八里。灤自西繞東。兩阜雄峙

而當之。參差恠石。夾為深潭。水中石上。有龜龍影。謂之龜

龍津。自龜龍津北行偏崖之東。北為太平社。三里為林

頭。上有搗鼓臺。昔人聚兵于此。又二里為梁家山。玉泉山。

爲太平山。在縣西北六十里。爲太平營。南北兩山。去營二里許。左川右河。憑高可眺。北五里峭壁。清河繞之。有清泉寺。崖下二磯。高迴河中。可榭可橋。魚所聚也。西五里爲銀鑛山。與鶴鷹崖對。高峻。谷口僅容兩馬。北爲華嚴寺。山西北十里。爲小黑山。爲水谷寺山。又五里爲大黑山。其石色黑。層嶂參差。大黑旁石心空。上有手印。傳爲攻書臺。營北白雲山。有寺。在城子嶺關東。西爲伏虎山。迤北環以湖。又西二十里。峭壁。爲寺兒谷。山東二里。爲榆木嶺關。關南二里。爲八山。曲盤而入。四壁皆山。崎嶇旋轉。凡二舍餘。總名

之曰十八盤。行人稀得見日。盤南爲芹菜嶺。自龜龍

北行偏崖之西北。爲長嶺社。距縣五十里。南北有二。南爲清泉寺。下有清水峪。清河源于口北城子嶺。經峰東入灤。又西北十里。爲九山。下有九泉。匯而入于灤。或曰。以山有九疊名之。其旁有袁達洞。如團蓋。可容數百人。又半舍亦名之。層澗。有古刹。在萬松中。長河合于前。北爲米峪口。范山。南爲稔子口渡。口西三里。爲障樓。昔人避兵處。迤東爲長河。源自口北董家口入灤。爲亭林。又西五里。爲獾口峪。黃家山。其怪石危立。爲唐山。西南連嶂十里。爲望龍岡。爲

遊鄉山

老君禪山。有寺。臨灤渡。有黃崖。產銀砂。爲鑛洞。石盆山。距灤陽營三屯城東北各二十五里。在芹菜南盤三十餘里。多怪石。臨灤。頂有大石盆。泉湧上出。夏涼冬不冰。旁有石洞。曰勝水。其對有鸚鵡巖。其陰爲青山關營。青山在縣北三舍。又二舍。至喜峯。環灤而北。別一洞天也。北爲小嶺。臥龍岡。有寺。有泉。西入灤。又西爲大蟲。長河諸峪。灤經之。踰河而西。爲大小水峪。尖山橫嶺。爲太子嶺。俗云秦扶藎所登也。又西爲三十二窟矣。大青山關營。在太平寨西六十里。距縣西北九十里。迤西有橫山。北爲董家口關。踰河西轉。有石坎可梁。北三里許。兩山奇嶮。夾溪如錦步障。爲遊鄉山。又西五里。爲勝嶺。其水東西分。至龜口始合。嶺西爲女兒山。峻拔。又西爲鐵門關。外有大潭。喜峰水之源也。鐵門關。距關二里。在李家谷左。其南半舍爲窟窿山。頂明如月。其高與鐵門山齊。洞高十丈。大小二孔。廣如高之半。奇石萬狀。內周十餘里。小洞十數。極顛大洞。紅嘴鴉之巢也。轉而東。其懸石皆五色。又東崖向北前坡。鼓以八音。莫不應焉。出洞口西十里。爲西山嶺。卽喜峯。古松亭山也。其峰削下。要有洞。高二丈餘。深倍之。有墳在岡上。臨關

口。乃古夷王墓。

元許有壬紀事。為父子久離。相逢喜極而死。葬焉。曾掘之。風雨大作而止。今戍者歲

祀之。其稱喜峯者。蓋自承樂之後矣。

南行二十里。為小喜峯。亦截案。兩石並

立。土人謂公婆兒。今公折半矣。西南三里。為老子谷。下為

團亭寨。其東三里。橫截如劈。不可越下。片石長十丈。出于

灤。而山因以片石名。隔灤而西。為樓子山。其顛石遠觀如

之。又名猴兒山。其南十里。為屏山。澤高山。在縣西北百

八十里。袤五十里。高七八里。盤折而上。土名三十二窟道。

郭造卿曰。余更名之澤高山。遠之澤州。有神山。九宮。石子嶺。在灤激間。今不可知。而此適其位。且最高云。其陰

為松茅峪。珠山。有圓覺寺。臨灤西崖。為朝宗巖。桃園。適灤

陽營者渡此。其陽為大小尖山。並如兜整。大者尊巖。小都

崎曲相次。小之支。為釣臺。激河至此十一曲而匯焉。大之

支。為松臺。蓮心館。其旁為龍井山。激石崖。絕頂為烽火臺。

左有磯。瞰中流。有石堀。黃龍宮之。其出如蝦。而波獨高。幾

寸以起。土人候為福德。嘉靖戊戌去。其後邊數有警。萬曆

壬午復見。兩崖如門。其故關也。今關移出十里許。在鷄冠

之麓。有垂綸臺。出關十里。為柞子庵。其西觀音巖。大小二

洞。上有戍樓。壽星山。在縣西北百七十里。為激之陰。去

漢莊五里許。舊名勒馬顛。石高二丈。屹立。名將軍。戚總理

卷之四

改之。東爲五老臺。蓮花峰。西有石壁。諸窟中窻。其團獨吼。曰平臺。昔人避兵寨也。其南半舍爲六寶山。以產名之。居人皆鑛徒也。乃太平三屯二營適中焉。峪西爲鳳翅山。中峰山。恒河經其西。二十里合灤。景山。舊有二名。南爲明。北爲陰。在縣西北百二十里。高八里許。矗立雲表。將雨。其顛先雲。其陰爲鹿兒嶺。嶺東爲三屯鎮城。嘉靖之元。總兵馬永建祠其顛。以奉諸葛忠武。岳武穆。文信國。爲三忠祠。取景行之義。而更名焉。亦曰景忠山。又立碧霞元君祠。東自山海。西至京師。進香者如市。後乃委官收稅。以充撫。

賞云。恒河在鹿兒嶺東三里。合城北獅子峪。諸流至四家峪入灤。北有墨翠峰。唐王臺。塔兒山。月城山。接界于洪山口。其外爲長城嶺諸山。近川。自鹿兒嶺。西流入遵化。自龜龍津南行採樹嶺。西五里。爲將軍山。有二將軍墓。有洞。又西爲柳河石塘諸峪。亘十里。爲釣臺。臨灤。可容百人。祀龍其上。中有孤石。高三五丈。極深。漁人集之。山下爲滴水崖。無泉而涓不絕。崖西十五里。危峯頂。爲烽堠山。迤北有石插灤。爲刀兒崖。崖後十里。爲牽馬嶺。陡峻。必步自邊。用車改大道。而人跡稀矣。嶺隅爲荆子山。有涓流。西北合灤。

又西十里。踰松崖。為寧山。北為白龍山。臨灤。有浮圖。其西為井山。有井。下通灤。南為三稜山。玉帶山。又南為救駕嶺。駱駝峪。二郎坨。為觀音巖。其北高峯二十里。為三帶山。楊老山。為柏山。以產名。有寺。為香羅山。恒水經其北。環景山。東南麓焉。其西南二十里。為五峯。高里餘。群山環接。左右龍虎二峯。下有唐寺。前有天橋。川漲常高數尺。至橋必流其下。南為豐潤要帶山。其流入還鄉河。自太平社而西為臨河社。凡三區。自北而南。為遵化豐潤界。

灤河入自團亭諸川會之南流至縣城下轉而東至盧龍

縣南合于漆

見盧龍

境內出者曰沙河在縣西北四十里源

出赤嶺赤崖寺經好樹屯東流至松谷莊石河在縣西三

十里源出血石嶺以多沙石而名合沙河過七家嶺至院

頭與王家河合至新莊草束子屯下合衆潦經沙河驛至

灤州西四十里海子崖莊長灣入之大水泊在州西南七

十里發源于土山任郎莊經赤堞社漢王渠南播小水泊

經孫家溝永登屯入之經柳林莊自宜安社迤邐而南至

北柳河社經豐潤越支社界轉東南達于海凡沙所經民

患之昔之通漕者因為沙壅而廢矣 還鄉河在縣西北

七十里發源蠶莊南一里西由平水院崖兒口達豐潤城

北松林莊至城西塔兒灣迤邐向西南入海 館水出縣

西南三十里之館山由灤州入豐潤陡河

見灤州

撫寧 兔耳山在縣西七里雙尖似之絕頂有潭雲常罩

之微徑而登可容數萬人南為黑鷹平房二峪聳秀深茂

多果實為石佛峪又南為雙頂山銀銅峪以產名距縣四

十里其陰為松流河源石佛峪之東南為大崇峪

一名大蟲峪

其石自片或厚數寸或盈尺可碾可磨可條可版利于用

八里為雙龍池旁祀龍王十里為對嘴崖山寨險峻二崖

相對或曰碓以其形似云又有鵠峙兩峰者為馮家山近

大海為昌黎界 紫荆山在縣南二里臨洋河有立石如

婦人望夫狀今稱紫荆石婆魏書之新婦山也涉洋而南

為黃家山 兔耳之北為尖峰峻拔有洞昔有修煉者居

之其後為盧峯其東為鞞山一名滑子山為郵舍松流河

逆而環之至曹西莊入洋故曰綠灣

灣中蛙不鳴

自尖峯踰河

而南為七王山

相傳遼七王駐兵此山唐太宗圍勦之謬也太宗征遼過之奚王迎服而從征焉今

雲霧恒罩之隱隱見旌旗蓋山之靈則然昔帥或有稱王者耳其北十里為背陰山接盧

龍界背陰而北岐為熊山先年嘗產熊其陽白塔莊產金

北爲巖家山。有水入松流河。迤西爲盧龍之紅山。熊山東。爲楸子峪。鐵佛頂。巖口山。北爲鷓崖。距縣西北三十里。怪石直立。旁峯平漫。其東北面若刀削。因築寨以避兵。周里餘。在臺頭。駐操營北。營南刀崖。頂平。可容千餘人。惟北一微徑。匹夫荷戈。守而莫能攻矣。天馬山。東北十里。流壕峪。有青石佛三尊。名青石山。其北爲臺頭營。西五里。爲滴水崖。高千丈。爲麻塔谷。山腰有石洞。南向。深二丈餘。廣半之。其中東北。泉不盈瓢。久雨。盛暑如常。崖西五里。爲半壁山。如刀削。有避兵寨。迤北爲鷓鴣峪。拷栳山。距縣西北五十里。東勝寨。旁又二十里。爲將臺山。連界嶺。開亦高峻。前在青山河西。爲避兵處。天馬之東。爲八角山。爲九花崖。桃兒峪。頂有洞。如盤。泉不盈瓢。十人飲之不竭。百人亦然。名聖水。一名茶芽山。又有羊角山。在縣東北三十里。亦高峻。有避兵城。可容三四百人。土名南寨。又五里。爲塔子山。平市莊頂。有甌甌浮圖。高二丈餘。名女兒塔。隆慶之元。賊入羅漢洞。殺掠萬計。此千餘人獨全。故因壘周里。以扼莊衢。西南五里。爲偏頂山。高插雲霄。腰平漫半頃。可耕。號平臺。避者二千餘人。亦免。並東方保障也。北爲青陽山。上有

塔後有寺。其下澗水清秀。晴辰至絕頂。南海東關。如在足下。東過搗角山。峯尖秀出者。為孤石峪。有溫泉。可愈疾。南流為河。一名和尚山。有窟。名風洞。歲為災。居民時祭焉。又東高廣。倍出群山。而尖頂分三四。為前裂頭山。其間為水峪。迤東十餘里。七峯相連。極東而尖。為後裂頭山。居邊外。其前裂之前。東為平山。南十里。為營。西為石門山。橫山。踰師子河而東。二十五里。為臨淪山。漢縣以名。峰巒崛起千餘仞。舊為關隘。崖高百丈。一名馬坡頭。東北三十里。至峰山嶺。張果老河源也。出于溫泉堡。東南三十里。至深河。為

平山。東西峙。又東為望海岡。迤西為牛頭崖。營西北有蒲井。百餘家共之。隨汲而滿。大旱亦然。營西南為連峯山。一名蓮蓬山。淪水自其西入海。東有雙峯。如對話者。曰話石。又十五里半。入海。為金山嘴。又東為牛頭崖。其形似之。先年有倭。浮海至此。設官軍戍焉。踰湯河而東。為秦皇島。入海一里。傳為始皇駐蹕處。上有寺。迤北為孤山。去海四里。屹然面海。如砥柱然。石河自東入海。東北六里。達山海西關矣。角山。在山海關北六里。有二山。後角山去前二十里。而相等。其山自居庸古北喜峯諸山。而東。延亘千餘

圍春山

尖山

石門山

里至是聳峙。面海而長城枕之。為薊遼二鎮界。其北為三
 嶺山。多猿猴。物產苦之。下有寺。北為盤桃峪。在兩角之衝。
 為玄陽洞。孤峯峭拔。懸崖空洞。倒蘸深潭。樵徑紆引。下有
 寺。其間為雙松巖。石河徑其下。東五里。為圍春山。若環堵。
蕭僉事築別墅其中。有圍春莊。墨香亭。蔭秀亭。今廢。其西為攔馬山。壁立。馬不能行。
 戍遠者。多鼠窟。此關西八里。為尖山。下有龍潭。深冽。北五
 里。為五泉山。有泉五。北入石河。為鴨子河。又東北為玉王
 山。產銀冶。下突泉。為沙河源。又為寺兒山。其北為石門寨。
 石門山。凡鴨子河西。水峪東。皆是也。在盤桃峪東北。自

平林山而東。為黃土嶺。為六羅山。上莊坨。產煤。西為椒果

山。有長城寺。前為傍水崖。內平外險。賊嘗陷焉。隆慶元年。黃台吉衆

由此出。戚南塘設伏殲敵于此。我兵于雲霧中。見關帝像。事平。建祠祀之。立石紀其事。又西為石嶺。

產煤。佳于上莊嶺。北為房山。高峻可避兵。為溥塘山。內空

洞。深十餘丈。水渟為淵。南為圍雲山。亦曰雲蒙山。又南。為

黑山。產煤。又南。為平山。環石門山。皆峽。舊志云。漢公孫瓚

敗烏桓處。湯石二河上游。中間阨塞之區也。寨至山海關

四十里。關南十里。為解兒海口。東六里。為歡喜嶺。又曰恹

惶嶺。志言戍遠者。去而悲。還而喜也。關東八里海中特出。

恹惶嶺

爲孟姜女墳。其旁有望夫石。關西南二十五里。海中有秦皇島。蓋自榆關及山海環石門。爲平營一隩區矣。凡邊內盤薄于外。黃崖山爲大。自臺頭營東一舍。爲星星峪。又北二十里。爲是山。在縣東北五十里。高可十里。崎嶇其半。有舍身崖。深三四十丈。崖旁石壁上。鑿佛像三尊。其石徑僅容足。爲望海寺。寺東半里。有二石穴。冬夏不涸。名雙龍泉。又東半里。崖半有洞。有人棲之。其中凡去三里。連有石洞。高二尋。廣仞餘。昔有馬和尚居之。洞以名。下而東。有龍泉竭。名卧龍灘。西寺曰金峯。南寺曰雲崖。下爲鶉鴉堂。

山。其陰有寨。西半舍爲中桑堡。其雲蒙山。及花坡。在口外。縣東北六十里。有牡丹坡。因以名。三石洞。在坡西。高三仞。廣半之。深二尋。小者在其椒。高仞廣尋。峻不能登。二洞東。旁有水簾泉。傾于石龜背。下匯爲河。將入關。有溝。石下故爲蛟窟云。有黃青白。黃者歲後不見。惟青白嘗出。繞水門柱。居人狎之。萬曆初。蛟徙其窟。沙壅之。或云沙下深不測。與龜背洞通也。又西。爲青山。關外。爲香爐山。顛有大石狀之。在臺頭雙嶺西。界嶺將臺之北。凡邊外盤薄于內。茶盆山爲大。在縣東北百里外。石門之陰也。其峯萬仞。窄

溪環碧。林壑幽靚。昔爲勝游。今在葦子峪外半舍。上有無梁殿佛舍。東北有巖。人至半。常聞下流水聲。至其下。無之用竹于罅。引而出。名曰勝水。必攀緣乃登。迤西。其顛尤陘。則置木梯五架。其開山僧。乃遼天慶間。俗呼背牛頂。以山後有石如牛。故名。鑿石爲洞。高尋廣丈。爲井。深廣以丈。僧佛海誅茅其上。聚徒居焉。復鑿井四。其泉入夏。愈清而甘。正德己卯。賊入東境。惟此山稱難犯。可以瞭遠。徒衆晝夜偵賊。聞之。巡撫都御史。乃給以劄。命居人護山塲。而葺殿。加修飾焉。佛海化。衆立浮屠。高廣二丈五尺。八角方圓。鑄鈴。名德勝望海庵。其下有虎穴。龍潭。戚總理廓邊。虎徙。潭深黝不可測。叅將林桐。鐫石誌云。背牛頂。山後有鶯窠。洞內有泉。羽人居之。自星星峪西北。至中桑堡之黑石口。天慶寺碑。稱茶盆。迤西則皆馬司嶺。乃遼志箭筈山也。黃崖其肩臂。今邊關嶺名此。第其一足焉耳。

大青山水。自關外入。一片石河。自小河口關外入。西行于堡西。而黃土嶺。河東南會之。廟山口河。堡北合之。各川自一片石門出。遼東鐵廠堡。南五里。由老君屯東。芝蔴灣入海。此水經註之高平川水。自西北而東注之也。石河。

水徑注清水未完
水俱在清水西
今漢州界

石門之東源出口外龍潭城子谷過大小毛山及柳河諸
堡而西為石門下山海南關外由八里鋪俗作鋪而西入關

城右三里許紅花店間自南關入者會之其石叢積褰裳
可涉秋潦漲急險不可厲矣柳罐西有溫泉東南而菁子

而花塲與東拿子谷合其源出黑崖子入由捧槌崖東下
為鴨子河凡四道會于石河此水經註清水入九過口而

注海也渝河源出古瑞州自平臺桃兒谷及駙馬寨前
水為獅子河此漢書渝水首受白狼東入塞水又有候水

北入渝其槩矣水經註巡山逕之是也溫河即張果老
河上游源出孤石峪溫泉堡裂頭之派也有二西為湯河

東為張果老河下而總入于海此水經註之方城川及木
究水也洋河源出星星峪自東北口外一舍馬司嶺泉

西南二十里至龍潭周二十丈其深不測入四十里張家
莊夾山而西入之中桑水亦自馬司嶺西入口十里至王

家莊三十里入之箭桿水自口外花果山水簾洞入關西
夾山四里至楊家莊南三十里入之此皆漢地理志龍鮮

水也界嶺河源出口外別陀山十八盤下而西至紅草溝
東長流入團山五里又三十五里入西合繞臺頭營南青

水經注卷之四
水經注卷之四
水經注卷之四

山關內。黑谷嶺水合關泉至周各莊入。而東勝寨北諸水。至秋潦爲河。繞乾澗東。由鹿角峪二十里入松流河北。合于綠灣。此皆水經註封大川水也。海自直沽新橋赤洋而東。勢漸北。如人身之支。轉折抵遼境。金復南岸。卽登萊二府界。環抱其中。亦海窟之一域也。據水經註。諸水入新河。新河帶至濡水。入鮑丘。今灤西尚有遺跡。而灤東則無跡可求矣。豈其苞淪乎海者。此數百里而然哉。昔時海運尚通。山東錢鈔花布。由海道給遼。今運廢。關城南十里。店舍及泊舟遺跡尚存。自樂亭東濱海。泉鹹。關城中。凡井七十餘泉。惟衛學射圃前二井甘滑。號曰雙文井。城東一里大道旁。出石間。僅勺。脉長而甘。關內汲焉。

昌黎。碣石。自禹貢山海經。及漢魏地理志。水經註。皆稱驪城。而郭璞謂驪城海邊山。漢地理志註爲大碣石。在縣東南。水經註以碣石在絳縣。王莽之選武絳縣。併屬臨渝。王莽爲憑德。大碣石山。在驪城縣西南。王莽改爲碣石。則跨一郡三邑。今昌黎乃古三邑地。其爲碣石。自昌黎北撫寧南皆是矣。而茲爲大碣石。今人第因天橋拄指之云。仙人臺。碣石之頂也。在縣治北十里。自太行分派東來。惟

此與裂頭。景山。角山。兔耳。爲平營五頂。其臺崇廣。一巨石形如甕鼓。絕壁萬仞。上凌霄漢。巉巖累石。莫可名詰。回視群峯。如見孫列侍。臺前爲步欄。祀玉皇天妃。黃冠居之。關垣如帶。大海爲沼。縣城彈丸耳。頂後孤聳可棲。曰韓仙洞。前臺有奕石。足跡皆天成。北臺石龕前。亦有之。乃後人模倣而爲者。由西北而下。直臺之北。爲觀音山。有前後二峰。其巖有鑿洞。人莫能知。語云。前觀音後。後觀音前。葦草茂處是也。然竟不知所在。山西爲果老院。有石槽石碾遺址。及古井。傳爲遺跡。西北爲上水巖。休糧寺。天池。冬夏不涸。

前爲井兒峪。仙化寺。松柏若海濤萬頃。其突如盤谷。群峰環之。頂石爲天橋柱。人罕能至。史言秦始皇。漢武帝。魏文成。齊文宣。唐太宗。並登此山。今無可見。惟石壁鑿文五十四。爲石花所封。僅存明昌幾年五字。乃金章宗年號耳。西爲道者山。以有道者寺故名。其下有雲峰寺。寺西爲鳳凰山。距縣十八里。修如鳳首。而翼翼。上多奇花。名穿花鳳。有堡險可避兵。爲虎皮山。亦名虎牢關。東爲觀音洞。中峰山有寺。迤西北十里許。爲冠帶頂。中峰孤秀。其頂有淨影池。池中見異人幻影。爲孤山。並自東徂西。爲仙臺頂。派也。臺

前拱向。峰巒疊出。迤右為崖。秀石林立。長列尖削。如鋸齒。迤東有嶺。前為群峰蔽虧。登者至此。出中霄。稍可四望。名歡喜嶺。直南而下。亂石交牙。為閻王鼻。兩山夾峽。翳不見日。長谿滑路。漫漶陰陰。前為黑鶯峪。有洗心泉。飛千尺。冬夏不竭。稍下為龍潭。鑿石為磴。凡百一級。隆慶三年。為龍所毀。僅存其半。以達于洞。洞在絕壁。高可丈。深三丈許。潭寬丈許。兩壁石立。深丈許。有龍頭噴水。外券門。瀑布飛空。如練。四時出雲。早禱有應。下二丈許。上有懸石如心。曰山心洞。西為浩然臺。東為望海亭。又東有瀑布數處。稍下為龍潭寺。又東為

西五峰。峰如筆架。秀麗迥出。為圓通寺。有韓文公祠。祠後有泉三。右前為劉九洞。又東為東五峰。懸巖有洞。深廣數丈。中有清泉。外流。味甚甘冽。上有古栢如虬。環列十峰。峭如玉笋。又有一峰。宛如浮圖。名藥師塔。有觀瀾石。旁若樹屏。可望大海。仙臺之麓。為寶峰寺。昔井七十有二。今存十數。花木森然。寺前為寶峰臺。臺左為香山峰。峰後有庵。果木繁嘉。潭水直噴其左。一里入地。五里至龜石橋。復出為地橋。乃縣北八里矣。蓋碣石環縣為宸。觀音鋸齒。其左右肩。五峰筆峰。其左右臂也。五峰後為達摩峰。左有石乳。

旱不涸。冬不冰。其前爲三角山。有城最平漫。一名平頂峪。爲羅漢山。上有石如僧首包。亦名飛蓋。爲桃花山。上有洞。有慰心臺。其下石壁有泉湧出。曰桃源。爲饅頭山。東畔有千佛影。西對板石山。元人張勗題蓬萊第一關。往來諸山必繇焉。南爲白石山。並在香山前。藥局山連之。傳有異人採藥于此。秀石錯峙。東有山如螺者三。土人建山神廟于上。鋸齒之右。爲鴛鴦山。又西爲筆峰山。直插雲端。亦名尖山。下有玉硯池。芰荷幽茂。有二洞。上名拴馬洞。下名水洞。鋸齒之前。爲扳石山。石如板。利用爲龜蓋山。壁上有仙影。爲馱牛山。駱駝山。以石名。爲衡山。石門山。筆峰之前。曰午山。白廟山。楸皮山。柳峪。其後下爲紫草峪。散坡峪。長峪。石窟中。有羅漢像。一名石佛洞。深二丈。元時有僧修鍊者居之。歷耍兒。牛兒諸峪。凡一舍餘。抵撫寧界。爲昌黎西北境。登者之塗。由藥局。白石。桃花。經石窟。牛兒。遵宿。莽而至寶峰。乃躡百一級。徑僅容足。捫蘿面巖。不敢下視。稍翻則墮矣。旣陟龍潭。轉而東。五峰下地井而至歡喜嶺。乃躡而上。行者喘汗。觀者怖恐。復前級下益難。多由西北。從頂後歷觀諸勝。繞筆峰前而歸。此爲舊路。今則自寶峯而上。從中

庵之西。歷十八盤。自弔砂口。路最險窄。三里許。為南天門。又上里許。稍轉而西。至仙人臺。大抵若化人域。蹤多倬詭。路多岐阻。自一靈窟也。縣東二里。曰東山。亦名圍山。畔有危石。如房如盤。一人及千人搖之。動而不可移。南向有石佛影。縣東四里。曰野湖山。北八里。曰兩山。在諸啞前。以路旁二石名。迤北二里。為行虎山。狀如之。又十里。為樵夫山。孤立。其畔二石窟。容數百人。可避兵。又十里。為海眼山。石洞澄徹。潮汐應候。左右巖十餘里。曰連峯山。撫寧表也。縣西三十里。曰安山。有避兵堡。飲馬河經其下。東入于

海。又西十里。過楊文坨。為團山。又西十里許。為龍山。上有塔。下有蓮池百餘畝。今改為靜安社。去山十數里。舊志誤以此為昌黎柳城山。又二十五里。為五山。絕頂四顧。邊海在目。有遺壘。雄峙灤江。縣志以為唐太宗駐蹕山。非也。郭案史帝自命名者。在遼東安市城。著作佐郎敬璠。謂鑿與不復東是矣。帝征高麗。至孟冬。班師。聞太子奉迎。從飛騎馳入渝關。太子迎于道左。相見為歡。故因在道左。登紀功德耳。未嘗游幸。至海隅。茲駐蹕之名。或魏文成。改樂游山。築壇。記行于海濱。而誤以為唐太宗乎。閻黎洞。一名臨河崖。壁立千仞。顛

分八字。洞在其腰。而逼深潭。由小徑匍匐入。昏黑穿而直上。丈餘。四壁如牖。如樓閣。爽塏。可容二百人。其深不測。小

者十餘穴。有以金鰲名。有以水洞名。舊志自遼金來居民避兵于此。業紡績。名織羅洞者。皆音之訛也。又南爲磨山。其石可材。如人如獸。如礮如磴之類。爲白石店。下臨灤河。團山北五里許爲書院山。兩岡合抱。傳爲夷齊讀書處。腰有洞。有寺。後有石巖滴水。名洗心泉。有井。口窄腹侈。觸處爲泉。名龍泉。院東爲長山。駱駝山。墳山。茶葉山。院北爲荆山。拉虎山。東南二峯。下側灤河。其後孤石直秀。雄峙于澗。曰釣魚臺。面水環山如堵。曰安樂峪。北接盧龍。西近灤州。爲昌黎西境。

其水山海經繩水出碣石。漢書志作編水。水經在臨渝縣南。與郭璞海邊山符矣。漢志案下有水南入海。又有碣石水。賓水。皆南入官。揭石水。卽縣西急流河。爲繩。爲編者。賓水乃飲馬河。官水乃潮河。七里海也。蒲泊在縣東南二十五里。源出海眼。夾蓮峯樵夫諸川。而下惠民場。東南入海。潮河在縣南二十五里。源出仙頂後。二支。由達摩峯下張各莊。而下入海。一名馬家河。縣南五里。爲飲馬河。源自盧龍境。現河由黑石里田各莊。與溪江河合。中流爲沙河。下流合潮河。縣西門外。爲急流河。又名西沙河。源

自龍潭水巖。至縣西南里許。入飲馬河。溫泉自城西平地突出。夏冬不變。兩河在縣西南八里。其上各川歸為兩而名。其近二里為泉河。在興寧屯為土橋河。源由青溝營古蛤泊念坨。又南二里為繞灣河。源自西北五十里。茶芽山貫各莊。由黃土營。塾子里。安山。崔劉莊。一名安山河。溪江河。在縣西十八里。源出淨影池。長峪石窟諸川。梭頭河。在縣西北三十里。源自道者鳳凰諸川。與溪江合而為柳河。合于兩河。達虹橋。合飲馬河。濱海在縣東南三十里。瀦水成澤。一曰七里灘。言其廣也。沿三十里。若淺若溪。有菱可漁。嘗于黎明。現城市樓臺狀。甜水河北入之。套里河。源出龍山。過靜安堡而下入樂亭。其潮期凡日旬上中下一寅申二卯酉三辰戌四巳亥五子午六丑未七如。一八如二九如三十如四。以期至乃縣之贅水所具。山海至灤可知矣。

橫山

灤州。州北四里為橫山。其半有寺。前有石井。旦則烟霧出焉。首蟠于河。巨石峙湍之折為砥。後乃鑿崖。取徑達盧

榆山

龍。橫山後為榆山。宛如重屏。出諸山上。前一里為紫金山。以產赤石脂名。亦名文筆山。削峯危壁。背橫面巖。襟灤帶

紫金山

佛洞山
巖山

沂一方奇觀也。上有玉皇閣。藥王廟。東為偏涼汀。舊漕運泊舟處。懸崖有徑。正德間所鑿。上有寺有樓。為郡人高下尚書別墅。有關。陡瞰灤江。為北郊保障。前有溪潭。魚鼈攸聚。西北為抱花崖。東北為郭家莊。後坐橫山營社。臨灤許。絕壁有洞。如庭。崖孔若月。自石龕左折半里。轉龕右而出。冬煖夏涼。有石門。名佛洞山。舊志更名空瓏山。南五里曰巖山。若屏障。狀如蹲虎。曳尾昂頭。亦如天馬。或曰虎頭垂。獅頭昂。此山蓋如獅云。其東絕壁百仞。有洞。凡十有八。大小深淺。有可入。不可入。上三洞最大。而深。在絕壁。非梯雲步空。不

杜家山
馬鞍山
許家山
張目山
胡家山
柴家山
林家山
芹菜山
法寶山
媳婦山
磨石山
小擺頭山
披甲山

能入。下有金大定間石橋。一郡水口也。其石多紅。西麓為蠶箔峪。又西二里。為卸甲峪。送甲峪。耕者常拾鐵甲焉。又為杜家山。又三里。為馬鞍山。許家山。張目山。又西南七里。為胡家山。柴家山。林家山。為芹菜山。遼進士馮唐卿。于山前臨塘結廬。種芹自給。故名。又南二里。山下蓮池十畝。大沂河源出焉。又三里。為法寶山。為媳婦山。唐時有婦李氏。隨姑拾柴於此。遇雨雹。以身翼姑而死。因名焉。又為磨箕山。為小擺頭山。又三里。為小峯。為披甲山。又東三里。為木蘭坨。又三里。為雙鴈坨。折而西十里。為長沙坨。又南五里。

宋家山

雙山
拐頭山

饅頭山
佛住山
賈家山
劉家山
土山
洞山
吞流山
尖山
魏家山
毛家山
萬石山

亭子山

為古坨。又十里為望馬坨。龍堂坨。清水河出焉。又二十里為三角坨。又曰謊糧坨。又西南為土坨。西二十里為王塚坨。周家坨。白沙坨。又南五里為嶺頭坨。又西南為宋家山。其家三世。皆出牛種。濟鄰里貧者。又為孫家坨。劉家坨。蛇灰紀坨。又南為項家坨。又西南二十里為唐王坨。嶺頭南十五里為大蛇坨。其右為草坨。又西二十里為鬼兒坨。南為環坨嶺。西十五里曰雙山。其下小沂入于大沂。北為拐頭山。正德中。駕幸其顛。下為小龍。南為五子洞。一名墓子。有四壘五峯。其顛有石塚。龍溪源出而伏。復出。昔人投

糠驗之。良然。又為饅頭山。雙山西北七里為佛住山。又西八里為賈家山。劉家山。又南十里為土山。土山西五里有洞山。深黝莫測。大雨迅驟。能容數里湍。名曰吞流山。受虛洞。或言洞與道平。長數十里。直抵遷安者。妄也。洞北五里為尖山。尖山西七里為魏家山。如展屏。有寺。為毛家山。二峯對峙。毛家南十里為萬石山。多靈跡。其南麓有鮮卑元帥墓。又東南二十里為麥家坨。又西二十里為光水坨。常家坨。茨榆坨。又西十里為唐子坨。又西南十里為馮家坨。為沙塘坨。萬石山西北十五里為亭子山。石可碾礮確磬。

塔兒山

北長山

小山

大押頭山

白道山

圍山

九里長山

刀楞山

逗遛山

白雲山

鳳凰山

芹菜山

為塔兒山。其石青韌。凡碑碣表柱皆取此。為北長山。為小

山。為大押頭山。其石可用。如亭子。而快利勝之。又西十里

為白道子山。自麓至顛。有斜白路一道。又西十里。為圍山。

上有瀑布四五。會流入于泉河。南麓為香花峪。為九里長

山。有石佛寺。林果茂密。為天井峪。有寺。天險可避兵。其顛

有井。北連馬家峪。一名七哥。上有聖泉。不竭。麓居多產七

男。東連刀楞山。又東。為逗遛山。又東。為白雲山。一名自來

峯。其顛有大湫。曰湫嶺。有寺。有長松。恒帶雲氣。經時不散。

其南。為水峪。為王子峪。北為赫軸峪。白雲東。為鳳凰山。鳳

沂河。南至楊家院。合董家灣。在州西南三十里。又東南經

芹菜山。波落橋。又南。合蓮臺港。其源西灤。漫漶而入清河。

折而西南下。沙溝六里。至澤頭。又西。古懂河。在州城南四

十里。源自倂城南。經石橋而入。又南。經歇家橋。高家莊。而

合大田。泊泊在獨莫城南。枯旱不竭。眾潦既會。其流浩汗。

南十里。達公安橋。又十八里。經石角坨。又東五里。至馬頭

營。又南二十里。達綠洋入海。州南五十里。為陷河源。自

倂城北。于家泊。至泊扈港。一名韓家泊。會破風港。于倂城

西。其北十里。為龍堂河源。自李家莊。有七里港。又北十里

有吳家河源自清河並經豐腴屯入儋城而會有繩家河源自榆子林社游觀莊亦會于屯西南下經曲王店孫家坨至于王塚港瀾漫于白沙坨南又經胡家莊至印步甸別爲周家河又西梁魚溝南經天井達蠶叢口入于海漕河之故道也 州西南八十里爲靳家河一名小青龍源自游觀莊五十里西經司一司二社又南二十里至黃坨河又二十里經蒲家莊寬頭河散流于潮河潮河在州南百二十里海水蕩滂流延百餘里乃黑洋海口東派北連曾家灣源自狗兒莊社鴻鴨林港迅流至濟民塲達潮

東距蠶叢口二十里名林裏河交流河漁人張網者皆聚而避風焉蓋斬之亦爲繩繩之亦爲陷陷之亦爲青也或歸異而同出游觀莊或出異而同歸豐腴屯有疏有室一東一西乃灤溢入青青溢入陷陷溢入潮而爲汜爲坨爲滎爲孟矣 其爲經流者州西百二十里曰陟河源自遷安縣館山南至羅家嶺小龍阜第二灣經梯子嶺至偏山臨水院又合黃花港而會唐家河在榛子鎮西狼窩舖東經冷家灣而南黃崖河源自鎮東五里橋合陳官營煖泉而東並紅頂寺會于牝牛橋河西五里西至雙橋河在州

西八十五里復會豐潤板橋水自松梁社圍山瀑布入泉
河又三十五里源任家莊爲白寺口雙溝入之南經峰山
入陡河其源于水谷過孩兒屯官套至石城東五里爲帥
家河蓋石城西爲石溜河又南經唐山橋爲大河又東十
里至套里莊渟澗靚碧爲獅子灣南經聶家莊王盼莊又
西南合金溝馬家港康家莊經大夫地而入官渠曰小河
又王家河在州西七十里源白曹家口社南經鄭家莊水
灣寺將軍坨至豐潤胥家莊漫入白場總達建河入于海
水之以灣名者州北三里曰翟家灣西十五里曰小龍

灣在小龍山下西二十五里曰老龍灣三十里曰沙角灣
五十五里曰龍落灣自大港流出八十里曰劉家灣西南
三里曰泉水灣出馮家坎下冬夏不竭後爲流沙所壅八
里曰七姐灣西七十里曰杏樹灣皆瀦而不流 其以港
名者曰破風港在州南四十里連韓家泊曰大港在花港
社曰任家港在州西南司家莊曰于家港在松梁莊曰聶
家港曰齊家港並在康家莊社曰七里港在李家莊曰黃
花港在州西北八十里曰麻灣在州南九十里獨莫城一
里曰唐王港在州西南百里所產茅蒲鳧鴨菱藕之屬鱗

介不計也齊家李家資畜牧 蓮池一在州西三里金泉亭下廣三畝引金泉注之有斷碑存焉一在州西南芹菜山下廣十畝一在州西南唐山之陽廣七畝一在州東南于寧社薛家莊廣二畝一在州南崇本屯青河西廣三畝一在州西南姚家莊社魯家灣西廣五畝而金泉之流達于別故河 甘泉在州西北十五里傳爲秦太子扶蕪築長城飲于此又名扶蕪泉煖泉五一在州南八里龍溪一在州西八十里圍山下一在州西北九十里卽北甸河一在州西南百里龍灣過唐山入陡河一在唐山下傳爲姜

將軍斬蛟處俱沍寒不冰 長春淀在州西南百二十里

長春社 詳見古蹟

樂亭無山其水承灤下流東北三十里曰胡盧河西北三十里曰定流河夾縣而下胡盧河今淤惟定流河爲經流至縣南四十里劉家墩入海往年海運天津糧至此易河船自灤達府其環縣曰賈家河董家河杜家河宋家河戴家河俱灤之支流也夏秋雨漲始通灣有二曰蕭家在縣西三里曰翟家在縣東北二里皆潛而不流甘泉一在縣西七里松林莊一名孝子泉 以孝子劉文煥名 外左右二裔而爲

濺為沟。縣東二十里。沙城社。河及豐登屯南。去縣三十

五里。高家莊。又五里。時登屯。西南曰乾灤河。西去縣十五

里。白沙峯社。有韭菜河通之。皆乾河也。縣西二十里。次

榆坨社。曰清河。又十里。大家坨。曰新寨河。火燒佛社。曰郎

河。又西十五里。吳家林社。曰介馬河。皆清河也。坨三。西南

三十里。曰茅坨。其在海中者。曰石白坨。舊志作灤淤沙所

積也。西曰月坨。其形半之。又西二十五里。為曹北店。海水

咸。店在海中。泉味甘冽。漁舟艤炊焉。海水青黑。獨綠洋

里。其地如長帶。其中牡蠣。房積如山。

灤河水色清碧。入海五十里。不涸。若跨長橋。漁人汲入取

飲。又有曹毋店。在濟民場西南。入海八十里。有昔時居民

碾磨猶存。城中海閣朝暉。尤麗。以瞰島上。章采錯繡。而以

為祥雲島。又有桑坨島。李家島。大抵樂亭。雖無山而地勢

原衍。胎甲隱密。過卸委折。二河夾送。俯臨綠洋。絕島隍洲

平疇。沃塹隣邑。稱羨焉。州縣志例有八景十景今刪

永平府志卷之四終

